

og Hendersons í Reykjavík; sækir hann um, að dómsmálastjórnin með úrskurði sínum eptirláti verzlunarfélaginu fyrir fullt og allt svæði nokkurt, sem er 400 ferhyrnings álnir og liggur fyrir austan geymsluhús það, sem verzlunarfélagið hefir látið byggja í Reykjavík; hafði bæjarstjórnin í Reykjavík látið það fá svæði þetta til þess að girða um það og nota til þess að geyma þar steinkol, þó ekki um lengri tíma en meðan verzlunarfélagið hefir á hendi gufuskipsferðirnar til Íslands eða í kringum landið, en áskilið sér rétt á, ef það hætti við gufuskipsferðirnar, að gjöra út um, hvort það eða eptirmenn þess megi halda svæði þessu.

Útaf þessu skal yður til vitundar gefið sjálfum yður til leiðbeiningar og til þess að þér kunngjörið það, að dómsmálastjórninni eptir atvikum finnst ekki vera næg ástæða til þess að breyta ákvörðun bæjarstjórnarinnar um þetta málefni.

1865.

23. sept.

78. Bréf kirkju- og kennslustjórnarinnar til stiptyfirvaldanna á Íslandi, um jarðaskipti á Eystriskógum og Efriey.

23. sept.

Útaf því, að presturinn í Meðallandsþingum í Skaptafells-sýslu ekki hefir neina jörð til ábúðar, hefir stiptamtíð og þér, háæruverðugi herra, stungið uppá því í bréfi dagsettu 22. júní-mán. þ. á., að þess sé farið á leit að fá jörðina Efriey, sem heyrir undir Kirkjubæjar klaustur, í skiptum fyrir jörðina Eystriskóga, sem er eign Meðallandsþinga brauds, og að Efriey sé síðan útlögð prestinum í Meðallandsþingum til ábúðar með því skilyrði, að hann gjaldi í umboðssjóð Kirkjubæjar klausturs það, sem afgjaldið, er sjóðurinn nú fær af Efriey, er fram yfir afgjald það, sem hann fengi af Eystriskógum, þó svo, að gjald þetta falli burt, undir eins og Eystriskógar verða byggðir með eins miklu afgjaldi, og nú er goldið af Efriey.

Eptir að skrifast hefir verið á við dómsmálastjórnina um þetta málefni, skal yður til vitundar gefið, að kirkju- og kennslu-

1865.
23. sept.

stjórnin sér sér ekki fært að halda lengra úti þetta mál, af því að dómsmálastjórnin að sínu leyti vill ekki ganga að uppástungu yðar, bæði vegna þess að skilmálarnir við jarðaskipti þessi eru óhaganlegir fyrir ríkissjóðinn, og af því að Eyrstrískógar liggja í annari sýslu, og það væri erfðleikum bundið þessvegna, ef þeir væri lagðir undir Kirkjubæjar klausturs umboð.

26. sept.

79. Bréf dómsmálastjórnarinnar til amtmannsins yfir norður- og austurumdæminu, um borgun fyrir lækna-kennslu af fè Möðrufells spítala.

Í bréfi dagsettu 28. júnímán. f. á. var yður tilkynnt bréf dómsmálastjórnarinnar s. d. til biskupsins yfir Íslandi, og var í því ákveðið, að þeim 600 rd., sem eptir allrahæstum úrskurði 29. ágústmán. 1862 fyrst um sinn árlega er varið af fè lækna-sjóðsins til kennslu í læknisfræði hjá landlækninum á Íslandi, skuli skipt jafnt niður á sjóði allra fjöggra spítalanna, og að þessvegna þeir 150 ríkisdalir, sem árið 1863 voru greiddir fyrir Möðrufells spítala af fè Hörgslands- og Kaldaðarnes spítala, skuli endurgoldnir sjóðum þeirra af fè hins fyrstnefnda spítalans. Þér hafið þessu næst, herra amtmáður, í bréfi dagsettu 7. októbermán. f. á., farið þess á leit, að sleppa megi tillagi því, sem hér ræðir um, af fè Möðrufells spítala til kennslu í læknisfræði hjá landlækninum, og að kostnaðinum til kennslunnar sé skipt niður á fè hinna þriggja spítalanna, eða þá að borgun tillagsins sé skotið á frest, þangað til hin nýja tilhögun á tekjum spítalanna, sem fyrirhuguð er, komist á. Með tilliti til þessa hafið þér einkum tekið tvennt fram: fyrst, að ef hinn áðurnefndi úrskurður dómsmálastjórnarinnar væri framkvæmdur, þá mundi af því leiða, að þeir sem eiga þiljuskip í norður- og austurumdæminu — en þeir hafa skuldbundið sig á sáttafundum til að gjalda spítalahlut af hákallaveiðum sínum, þó með því skilyrði, að fè Möðrufells spítala einungis sé varið norður- og austurumdæminu í hag og fyrir engan mun til þess að stofna spítala